

ԳՐԳԼԵՍՈՍՈՒԹՅՈՒՆ ԵՎ ՔՆՆԱԴԱՏՈՒԹՅՈՒՆ

ՆՈՐ ՈՒՍՈՒՄՆԱՍԻՐՈՒԹՅՈՒՆ ՊԱՎԼԻԿՅԱՆ ՇԱՐԺՄԱՆ ՄԱՍԻՆ¹

Պավլիկյան շարժումը վաղուց ի վեր զբաղել է պատմագրության ուշադրությունը: Նրա մասին գրվել են մի շարք ուսումնասիրություններ: Սակայն բուրժուական պատմագրությունը չկարողացավ խորամուխ լինել այդ շարժման բուն էության մեջ, այլ սահմանափակվեց միայն շարժման ազդեցությունների, գավանարանական հայացքների ու ժամանակագրական հարցերի քննությամբ: Միայն սովետական պատմագրության ջանքերով հնարավոր եղավ ի հայտ բերել պավլիկյան շարժման սոցիալական էությունը և քննարկել այն որպես միջնադարյան դասակարգական հումանիտարություններից մեկը:

Ընկ. Ս. Մելիք-Բախչյանը առաջինն է սովետահայ պատմաբաններից, որ պավլիկյանների շարժմանը նվիրում է հատուկ մենագրական ուսումնասիրություն: Ավելորդ է շեշտել, որ այս առումով քննարկվող աշխատությունը որոշակի հետաքրքրություն է ներկայացնում:

Աշխատությունը բաղկացած է առաջարանից, ներածությունից և շինյղ գլուխներից: Վերջում տրված է սուսերեն ամփոփում, օգտագործված գրականության ցանկ, հատուկ անունների ցանկ և Հայաստանի 5—9-րդ դարերի սոցիալական շարժումների քարտեզ:

Ներածության մեջ, հեղինակը կենտրոնանում է Ֆ. Էնդելսի հայտնի դրույթներից, որ Միջնադարում Ֆեոդալիզմի դեմ ուղղված գրեթե բոլոր շարժումները արտաքինից բնորոշում էին կրոնական գլխավորում, դառնալով ազանդավորական շարժումներ (էջ 10—11): անցնում է պավլիկյան շարժման վերաբերյալ հայերեն սկզբնաղբյուրների քննարկմանը: Նա հիշատակում է ամենահին ազդեցությունը՝ «Միստ միարանություն հայոց աշխարհի», ապա Հովհան Օձնեցու «Ընդդեմ պաղիկեանց» աշխատությունը: Գրիցոր Մազիստրոսի «Ասկաթողիկոսն Ասորեոց» թուղթը, եկեղեցական որոշ կանոններ և մի շարք մատենագրական այլ նյութեր:

Ընկ. Մելիք-Բախչյանը այնուհետև անցնում է բյուզանդական ազդեցությունների քննարկմանը: Ինչպես հայտնի է, պավլիկյան շարժման ծագման և հետագա պատմության հիմնական սկզբնաղբյուրները հետևյալներն են. «Պետրոս Միկիլիացու օգտակար պատմությունը, քննադատությունը և եղծում մանիքեյցիների ազանդի, որոնք և պավլիկյաններ են կոչվում, շարադրված Բուլղարիայի արքեպիսկոպոսի համար», ապա պատրիարք Փոտին վերագրված «Մանիքեյցիների վերածյալ մասին» աշխատությունը² և ոմե Պետրոս Նեղումենոսի հաստատված պավլիկյանների մասին՝ որն ամբողջությամբ մտել է Գեորգիոս վանականի ժամանակագրության մեջ:

Այս ազդեցությունների միմյանց հետ ունեցած կապի հարցը դրազեցրել է գրեթե բոլոր ուսումնասիրողներին, սակայն մինչև այժմ էլ պարզ չէ, թե որն է դրանցից մյուսների համար սկզբնաղբյուրի դեր կատարել: Թվում է, որ Ստ. Մելիք-Բախչյանը պետք է կանգ առներ այդ հարցի վրա, և եթե նույնիսկ չկարողանար լուծել, պետք է ծանոթացներ ընթերցողներին այս կարևոր հարցի մասին եղած հիմնական տեսակետների հետ: Նեղումենոս, սակայն, առանց քննության առնելու այդ հարցը, այն կարծիքն է հայտնում, որ Պետրոս Միկիլիացու աշխատությունը սկզբնաղբյուր է ծառայել Փոտին և Պետրոս Նեղումենոսին:

¹ Ս. Տ. Մելիք-Բախչյան, Պավլիկյան շարժումը Հայաստանում, Վ. Մ. Մուրտուզի անվան պետական համալսարանի հրատարակություն, Երևան, 1953:

² Petri Siculi, Historia Manichaeorum seu Paulicianorum, ed. Gieseler-Göttingen. 1846, նաև Migne—Patrologia graeca, t. CIV, Col. 1240—1304.

³ Migne, Patr. graeca, t. CII, Col. 16—81.

⁴ Appendix ad Petri Siculi Historiam, ed. Gieseler, Göttingen, 1849.

⁵ Georgii Monachi, Chronicon, ed. C. de B. Boor, Lipsiae, 1904, Vol. II, pp. 718—725.

Համարելով Պետրոս Սիկիլիացուն հիմնական սկզբնաղբյուր, հեղինակը, այնուամենայնիվ, բուն տեքստում հաճախ վկայակոչում է 12-րդ դարի հեղինակներ՝ կեղբենոսին և Ջոնարասին, որոնք հյուսիս հետևում են վերը նշված աղբյուրներին կամ թեոֆանեսի ժամանակագրությանը (9-րդ դար): Հեղինակը թվարկում է պավլիկյան շարժման պատմության այլ աղբյուրներ ևս՝ Գենեսիոսի պատմական երգը (10-րդ դար), պայմանական կերպով «Թեոֆանեսի շարունակող» կամ «Շարունակված թեոֆանես» անվանված 10-րդ դարի ժողովածուն: (Այստեղ հարկավոր է հիշատակել, որ այդ ժողովածուի 5-րդ գիրքը, որը պարունակում էր պավլիկյանների մասին շատ տեղեկություններ, դրել է կայսր կոնստանդին Միրանածինը): Ապա նա հիշում է Աննա կոմսենայի «Ալեքսիադան», Ջիզարենոսի (Ջիզազենոսի) դավանարանական բնույթի աշխատությունը, Ջոնարասի, կեղբենոսի, Գյուլկասի և Նիկիտա Սոնիատեսի գրվածքները և ի վերջո կարգինայ Բարոնիոսի 16-րդ դարի վերջում գրած «Նիկեացական տարեգրությունները»:

Պետք է ասել, որ պավլիկյանների մասին վերջինիս ունեցած տեղեկությունները օգտագործելու պրիորիտետը լիովին պատկանում է գրքի հեղինակին, նրանից առաջ և ոչ մի ուսումնասիրողի ուշադրությունը չի դրավել Բարոնիոսի աշխատությունը: Բարոնիոսը իր բազմահատոր աշխատության մեջ պավլիկյաններին նվիրված հատվածն արտադրել է Պետրոս Սիկիլիացուց և ուրիշ հեղինակներից: Այդ հանդամանքը բնորոշում է և ինքը Ս. Մելիք-Բախշյանը (էջ 161, 163 և այլն), և միայն մի տեղ գտնում է, որ Բարոնիոսը անկախ է մյուս աղբյուրներից: Սուրբ վերաբերում է այն վկայությունը, որտեղ Բարոնիոսը խոսում է պավլիկյանության Պիսիդիայի Անտիոք քաղաքում տարածված լինելու մասին: Սակայն, անտարակույս, այդ տեղեկությունը ևս Բարոնիոսը վերցրել է Պետրոս Սիկիլիացուց¹:

Բարոնիոսի կողմից օգտագործված բոլոր աղբյուրները պավլիկյանների մասին (Պետրոս Սիկիլիացի, Թեոֆանես) հասել են մեզ բնագրերով, ուստի անիմաստ է այն դիտել որպես նոր աղբյուր²:

Աղբյուրների կոնկրետ քննադատության, նրանց պատմադրական արժեքի վերհանման փոխարեն հեղինակը բավարարվում է ոչինչ չստոգ ընդհանուր հայտարարություններով: Ըստ որում մեզ հայտնի է դառնում, որ «բավականին արժեքավոր է» Հովնան Օձնեղու աշխատությունը (էջ 15), «բավականին արժեքավոր տեղեկություններ կան բյուզանդական սկզբնաղբյուրներում» (էջ 10), «բավականին հմուտ» պատմիչ է Ջոնարասը (էջ 21), «բավականաչափ տեղեկություններ» է պահպանել կեղբենոսը (էջ 22), «Գյուլկասը բավական արժեքավոր տեղեկություններ է տալիս» հերձվածողների զաղափարախոսության մասին (էջ 22) և այլն:

Նկատելի թերություններ կան նաև զրականություն տեսությունը նվիրված ենթապլյուսում: Հեղինակը մանրամասն խոսում է մի շարք հնացած գրքերի մասին, ինչպիսիք են, օրինակ, Լեիցիու կամ Չելցովի հոգվածները, անդրադառնում է Լուրարգի վերին աստիճանի մակերեսային գրքին և ոչ մի դրական կամ քննադատական խոսք չի ասում ժամանակակից սովետական մարքսիստ ուսումնասիրողների մասին: Հարևանցիորեն միայն նշված է, որ «հատկապես ուսանելի են Ա. Վասիլևի, Ն. Լիպչիցի, Մ. Լեչենկոյի արած դիտողություններն ու մեկնաբանությունները» (էջ 25): Եվ այս այն ժամանակ, երբ Ն. Լիպչիցը իր մի շարք լուրջ ու մեծարժեք հոգվածներով մեծապես նպաստել է պավլիկյան շարժման էտապների ու զաղափարախոսության ուսումնասիրման գործին: Գրականության ցանկի մեջ նշված է Ն. Լիպչիցի մի աշխատությունը³ միայն, իսկ նույն հեղինակի մի այլ աշխատությունը վրիպել է Ստ. Մելիք-Բախշյանի ուշադրությունից: Նույնը կարելի

¹ *Sto Petri Siculi*, Apud Migne, Col. 1285.

² Բարոնիոսի տարեգրությունները մինչև այժմ չեն կորցրել իրենց նշանակությունը, քանի որ նրա օգտագործած աղբյուրների մի մասը մեզ չի հասել, Սակայն այդ չի տարածվում նրա աշխատության այն հատվածների վրա, որոնք նվիրված են պավլիկյան շարժմանը:

³ *Е. Э. Липшиц*, Павликианское движение в Византии в VIII в. и первой половине IX века, Византийский Временник, V, 1952.

⁴ *Е. Э. Липшиц*, Вопросы павликианского движения в освещении современной буржуазной историографии, Виз. Вр., V, 1952; նույն հեղինակն ունի մի ուրիշ աշխատություն ևս, որտեղ նույնպես անդրադառնում է պավլիկյան շարժման պատմությանը. տես «Никифор и его исторический труд», Виз. Вр., III, 1950.

է ասել նաև Լ. Խաչիկյանի գրքի մասին՝ նվիրված Մ-րդ դարի սոցիալական շարժումների պատմությանը¹։

Անհասկանալի կերպով դրականության տեսության բաժնում սովետական մարքսիստ պատմաբանների թվում հիշատակվում է բուրժուական պատմաբան սպիտակ-էմիգրանտ Ա. Վասիլև (էջ 25)²։

Առաջին գլխում, որը վերնուղղված է Պավլիկյան շարժման նախորդները Հայաստանում, բնկ. Մեկիբ-Բախշյանը խոսում է մանիբեության և նրա տարածման մասին Հայաստանում, ապա շարադրում է բորբորիտների և մծղնյանների շարժումների մասին հայտնի տվյալները։ Հեղինակը փորձում է ապացուցել, որ մանիբեությունը լայն տարածում էր գտել Հայաստանում, սակայն այդ թեզը հաստատելու համար սկզբնաղբյուրներից չի բերում անհրաժեշտ փաստեր։

Պավլիկյանություն և մանիբեության նմանությունը միմիայն երկուսին հատուկ դուալիզմի մեջ էր, սակայն մանիբեական դուալիզմն ուներ զուտ կոսմոգոնիկ իմաստ, իսկ պավլիկյանները զնում էին նրա մեջ սոցիալական խորր բովանդակություն։ Ուստի և կարիք չկար այդքան տեղ նվիրել մանիբեությանը, մանավանդ, որ հեղինակը փորձեր չի կատարում մանիբեության սոցիալ-տնտեսական արմատները պարզելու ուղղությամբ։

Աշխատության երկրորդ գլուխը նվիրված է Հայաստանի սոցիալ-տնտեսական դրությանը 6—9-րդ դդ.։ Հեղինակը ջույց է տալիս հայ դյուալիզմի ծանր վիճակը, որը առավել ևս ծանրանում էր ստարեբերյա դավթիչների արշավանքներից ու տիրապետությանից։ Հեղինակը տալիս է ոչ միայն արևելյան, այլև արևմտյան Հայաստանի սոցիալ-տնտեսական հարաբերությունների պատկերը, իրավացիորեն պնդելով, որ վերջինս «լինելով բյուզանդական կայսրության բաղկացուցիչ մասը, յուրացրել էր բյուզանդիային հատուկ սոցիալ-տնտեսական հարաբերությունների հատկանիշներ» (էջ 98)։

Նույն գլխի «եկեղեցին որպես ֆեոդալական կազմակերպություն հին Հայաստանում» ենթապլխում հեղինակը փաստեր է բերում ցույց տալու համար, որ եկեղեցին իր հերթին հանդիսանում էր աշխատավոր խավերին շահագործող մի կազմակերպություն։ Այդ նպատակին հեղինակը հասնում է, սակայն մեջ բերված փաստերից շատերը վերաբերում են կամ 4—5-րդ դարերին և կամ ներկայացնում են պավլիկյան շարժման ճնշումից հարյուրամյակներ հետո ձևավորված հարաբերություններն ու վիճակը։ Հեղինակը հնարավոր է համարել հավասար չափով հենվել ինչպես Փավստոս Իյուզանդի (5-րդ դ.), այնպես էլ Մատթեոս Ուոհայեցու ու Մխիթար Գոշի (12-րդ դ.) տվյալների վրա։ Այսպիսով, բնդհանուր առմամբ ճիշտ բնութագրելով հայ եկեղեցու կազմակերպության ֆեոդալական էությունը, հեղինակը չի կարողացել բացահայտել այն բնորոշը, որ հատուկ էր հայ ինչպես և բյուզանդական եկեղեցուն պավլիկյան շարժման ժամանակաշրջանում։

Այժմ տեսնենք, թե սոցիալ-տնտեսական այդ ֆոնի վրա հեղինակը ինչպես է ներկայացնում պավլիկյան շարժումը։

Պավլիկյաններին հիշատակող հնագույն աղբյուրը հեղինակը համարում է «Ռևստ միարանության հայոց աշխարհիս» հայտնի վավերագիրը, որը 1900 թ. հրատարակեց Կ. Տեր-Մկրտչյանը³։ Այդ փաստաթուղթը, որը Դվինի 544 թ. եկեղեցական ժողովի բանաձևն է, նպովքի է ենթարկում Հայաստան եկած նեստորականներին, որոնք ի միջի այլոց հաղորդություն էին բնդունում «որպես յուխտէ նուիրաց պաւղիկենաց»⁴։

Ընդունելով այս հիշատակության տարեթիվը՝ 544, հեղինակը ենթադրում է, որ պավլիկյան ուսմունքը «սլետր է որ Հայաստանում գոյություն ունեցած լինելի վաղ, դոնե ամենաուշը 6-րդ դարի սկզբից» (էջ 132)։ Ինչպես հայտնի է, Հովհան Օձնեցին պավլիկյանների մասին գրելիս նրանց անվանում է «նախկին մծղնեութեան պայղակենու»։

¹ Լ. Խաչիկյան, Փոքր Հայքի սոցիալական շարժումների պատմությունից (IV դ.), Երևան, 1951։

² Ի դեպ ասած, հեղինակին անձանոթ մնացել է Ա. Վասիլևի մյուս գիրքը. «Византия и арабы, Политические отношения Византии и Арабов за время Македонской династии», СПб, 1902, որտեղ նա մեծ տեղ է նվիրում պավլիկյան շարժման վերջին էտապին։

³ Ճիշտ կլիներ, իհարկե, գրել «Միջնադարյան Հայաստանում»։

⁴ Պավղիկեանց և թոնդրակեցուց աղանդները արդի բնագատութեամբ, «Արարատ», 1900, հուլիս։

«Գիրք թղթոց», Թիֆլիս, 1901, էջ 73։

թեան խեղերանք»¹: Վերավորական «պայղակենության» բառը Օձնեցին օգտագործում է, բանի որ նա մոտ է «սլավոնականություն» բառին: Հիմք ընդունելով այդ, ընկ. Ստ. Մե- լիք-Բախշյանը գտնում է, որ եթե ընդունենք «պայղակենություն», «պայղակեն» «սլավոն- յան» անվան կապը մեղենության հետ, ապա «սլավոնականության գոյության ժամանակը է՛լ ավելի է հետանում մեղանիտ և հասնում է մինչև 5-րդ դարը, այսինքն՝ դառնում է մեղենության ժամանակակիցը և, հավանաբար, այդ շարժման շարունակությունը» (էջ 130):

Այս ենթադրությունը, սակայն, հեղինակը չի կարողացել հիմնավորել որևէ կոնկ- րետ փաստով: Պետք է նկատի ունենալ, որ վերոհիշյալ տեղեկությունից հետո հայկական աղբյուրներում սլավոնականների մասին վկայություններ գտնում ենք միայն 150 տարի հետո, ուստի հեղինակը առավել ևս զգուշարար պետք է վարվեր այդ եղակի բասի հետ:

Երրորդ գլխում հեղինակը անցնում է սլավոնական անվան ծագման հարցին, բերե- լով տարբեր տեսություններ: Հեղինակը մի տեղ հավանական է գտնում, որ սլավոնական անվան ծագումը կապված է Պոդոս հայի հետ (էջ 147), իսկ մի ուրիշ տեղում գրում է, չ՛հավանելով, իհարկե, որոշակիորեն պարզել, թե սլավոնական անվան ծագման, նրա անվան առաջացման հարցը կապված է եղել կալինիկեի որդի Պավոսի, թե՛ մի այլ Պոդոսի հետ, որը նույնպես ծագումով հայ էր և ուներ նույնանուն որդիներ, ինչ որ կալինիկեի որդի Պոդոսը» (էջ 146): Նախ և առաջ աղբյուրներում հիշատակվում է մի Պոդոս՝ հայկական ծագումով, որը հանդես է եկել 8-րդ դարի սկզբին և ունեցել է Գեղնեսիոս և Թեոդորոս անուններով որդիներ, և մի կալինիկեի որդի Պոդոս Սամոսատցի, որն ապրել է 7-րդ դա- րի կեսերից առաջ և որի հայ լինելու և որդի ունենալու մասին աղբյուրները ոչինչ չեն հայտնում: Հեղինակը 143—144 էջերում մեջբերում է անում Պետրոս Սիկիլիացուց՝ որ- տեղ ասված է, որ սլավոնականները իրենց անունն ստացել են Պոդոս սամոսատցուց՝ կա- լինիկեի որդուց: Այնուհետև նա այդ հատվածի շարունակությունն է համարում մեկ ու- րիշ տեղեկություն՝ ոմն Պոդոս հայի մասին, որն ապրել է 8-րդ դարի սկզբում և ոչ մի կապ չունի Պոդոս սամոսատցու՝ կալինիկեի որդու հետ: Շփոթությունը առաջացել է հետևյա- լից: Պետրոս Սիկիլիացին գրում է. «Պոդոս անունով մեկը, ծագումով հայ, ուներ երկու որդի, որոնց անուններն էին Գեղնեսիոս և Թեոդորոս, որոնց հետ նա փախչում և գալիս Եպիսոպարիս, որի (Եպիսոպարիսի) մասին Եպիսոպարիս մանրամասն ասվել է, երբ խոսում էին կալինիկեի որդիների՝ Սամոսատցի Պոդոսի և Հովհաննեսի մասին, որ այդ Պոդոսից էլ Վանիքեյիների փոխարեն կոչվեցին սլավոնականներ»²:

Մեր կողմից ընդգծված մասը հեղինակը գուրու է գցել որպես ավելորդ և բազմակետ զրել: Պարզ է, որ այդպիսով վերջին նախադասությունը բխեցվում է առաջինից և ոչ թե մեր կողմից ընդգծված նախադասությունից, ինչպես բնագրում է: Երանից էլ, իհարկե, կալինիկեի որդի Պոդոս Սամոսատցին հայտնում է, դառնում է երկու զավակների հայր, իսկ նրա կարծեցյալ որդիների անունները հար և նման են դառնում 8-րդ դարի Պոդոս հայի որդիների անունների հետ:

Այնուհետև հեղինակը շարադրում է սլավոնականների պատմությունը 7 և 8-րդ դա- րում: Եթե 7-րդ դարի պատմությունը շարադրում է բոտ կեդրեհոսի և Պետրոս Սիկի- լիացու, ապա 8-րդ դարի համար որպես աղբյուր նրան ծառայում է միայն Բարոնիոսը: Թե ինչու է նա զիմում Բարոնիոսին և ոչ զեպրեբրին ավելի մոտիկ հեղինակներին, հայտ- նի չէ:

Այստեղ պետք է պարզել մի սկզբունքային հարց: Հեղինակը չի նկատում, որ Իսավրացի կայսրների օրոք սլավոնական շարժումը նոր բնույթ է ստանում: Լեոն 3-րդ և հատկապես կոնստանդին 5-րդ կայսրները, ձգտելով շեղորացնել սլավոնականներին և անդամ օգտագործել նրանց՝ վանականների դեմ մղած իրենց պայքարում, միանգամայն փոխում են իրենց վերաբերմունքը «հերձվածողների» հանդեպ: Իսավրացիները հովանա- վորում են սլավոնականներին և վերջիններս զաղարեցնում են իրենց ակտիվ պայքարը:

¹ Յովհաննու իմաստասիրի Աւանցւոյ մատենագրութիւնը, Վենետիկ, 1833, էջ 30:
² Petri Siculi, Col. 1273.
³ Petri Siculi, Col. 1281--1284, թարգմանություն մեջ աշխատել ենք հնարավորին ամփով պահպանել բնագրի ոճը և կառուցվածքը:

Այդ հարցը սպասիչ կերպով լուսարանված է Ս. Լիպչիցի վերև հիշված հոդվածում: Պավլիկյանները իբրև ռադիկալ ուժ օգտագործվում են արարների դեմ մղվող պատերազմում և այդ է պատճառներից մեկը, որ պավլիկյան համայնքների դրուժյունը արարների կողմից դրաված վայրերում դառնում է սպառնալի:

Պավլիկյանների հարաբերությունները կոնստանդին 5-րդ կայսրի հետ այնքան սերտ էին, որ վերջինս Գեորգիոս վանականի կողմից կոչվում է ոչ թե բրևտոնյա, այլ պավլիկյան:

Այդ «խաղաղ» շրջանը տևում է մինչև Նիկեոսը [կայսրի մահը և Միրայել [-ի գահ բարձրանալը (811 թ.): Նիկեոսի մասին Թեոֆանեսը հայտնում է, որ նա պավլիկյանների ջերմ բարեկամ էր: Իսկ Ստ. Մելիք-Բախչյանը, առանց որևէ հիմք ունենալու, դրում է, որ իբրև 8-րդ դարի կեսերից սկսած, Բյուզանդիան կատաղի պայթյալ է մղում պավլիկյանների դեմ (էջ 171): Այս՝ բոլորից պարզ է, որ պատմական իրական պատկերը ստանում է միանգամայն սխալ լուսարանում: Հեղինակը պարզապես այս հարցում մնում է 18-րդ դարի անդլիացի պատմաբան Էդվարդ Իբրրոնի սխալ տեսակետի վրա:

Այժմ մի այլ հարց:

Պավլիկյան շարժման ամենանշանավոր պարագլուխն էր Սերգիոսը: Նա անցավ շարժման գլուխը 801 թվականին և 34 տարի անընդհատ մնաց շարժման ղեկավար: Ոչ ոք է Պետրոս Սիկիլիացին դրում է, որ նա սպանվեց աշխարհի արարչագործության 6303 թվականին, այն է մեր թվականության 793 թ., սակայն դա պարզապես սխալ է, որովհետև հակասում է հենց Պետրոս Սիկիլիացու բերած փաստերին: Նա մի այլ տեղում գրում է, որ Սերգիոսը շարժման գլուխ մնաց 34 տարի՝ կայսրուհի Իրինայի ժամանակվանից (797—802) մինչև Թեոֆիլոս կայսեր ժամանակ (829—842): Փոփոխ մոտ համապատասխան տեղում ասված է, որ Սերգիոսը սպանվեց աշխարհի արարչագործության 6313 թվականին (835 թ.) և ոչ թե 6303 (793 թ.) թվականին: Ակնհայտ է, որ Պետրոս Սիկիլիացին, ավելի ճիշտ նրա պատմության ընդօրինակողներից մեկը, այստեղ սխալ է գործել՝ 6313-ը դարձնելով 6303: Սերգիոսը անշուշտ պավլիկյաններին գլխավորել է 801-ից 835 թվականը: Սերգիոսի գործունեության ճիշտ ժամանակը տալիս է նաև Ստ. Մելիք-Բախչյանի կողմից հաճախ վկայակոչված կրոնագետ Չելցովը: Հեղինակը, սակայն, գտնում է, որ «Սերգիոսի մահվան թվականը ևս հայտնի չէ» (էջ 173) և որ Սերգիոսի գործունեությունը շարունակվեց ընդհուպ մինչև 9-րդ դարի սկզբները (էջ 169), երբ փաստորեն 9-րդ դարի սկզբում սկսվում է նրա գործունեությունը: Սերգիոսի գործունեության ժամանակը ճշտելը կարևոր է այն տեսակետից, որ նրա ժամանակ է, որ պավլիկյան շարժումը վեր է անվում գինված ապստամբության:

Այնուհետև հեղինակը շարադրում է պավլիկյանների 9-րդ դարի պատմությունը: Այստեղ ևս նրա շարադրությունը զերծ չէ սխալներից: Օրինակ, մեզ հայտնի է, որ Բարսեղ 1-ին կայսրը պավլիկյանների դեմ կազմակերպել է երեք արշավանք, բայց որում առաջին երկուսը անհաջող են անցել, իսկ երրորդի ժամանակ պարտվել են պավլիկյանները, իսկ նրանց ղեկավար Խրիստոփորը բնկնում է պատերազմի դաշտում: Պարտությունը այնքան մեծ հարված հասցրեց ապստամբներին, որ նրանք այլևս գլուխ չբարձացրին: Պավլիկյանների վերջնական պարտությունը տեղի է ունեցել 872 թվականին: Այդ տարե-

¹ E. Э. Липшиц, Павликианское движение в Византии в VIII и первой половине IX века, Виз. Вр. V, 1952.

² Georgii Monachi, Chronicon, p. 751.

³ Theoph., p. 488.

⁴ Petri Siculi, Col. 1293.

⁵ Photii, Contra Manichaeos, Col. 80.

⁶ И. В. Чельцов, О павликианах, Христианское чтение, СПб. 1877, № 3—4 стр. 503, стр. 1.

⁷ Բարսեղ 1-ին իր արշավանքի ժամանակ խայտառակ պարտություն է կրում. պարտությունից հետո գնում է եկեղեցի և լալով աղոթում ու ասածուց խնդրում, որ իրեն հաղթանակ տա: Իսկ Ստ. Մելիք-Բախչյանը գրում է, որ Խրիստոփորը «զրեթե պարտվեց» (էջ 189), իսկ բյուզանդական բանակում բռնկված համաճարակի մասին (նույն տեղում) սկզբնաղբյուրներում ոչ մի տեղեկություն չի պահպանվել:

թիվը ընդունված է դիտութեան մեջ՝ և եթե հեղինակը այլ տեսակետ ունի, ապա նա պարտավոր էր հերքել իր նախորդներին և նոր փաստերով ապացուցել իր թեզը: 191-րդ էջում, սակայն, առանց որևէ հիմքի, հեղինակը գրում է, որ 873 թ. Խրիստոֆիրը զեռևս կենդանի, զորքով ներխուժում է Փոքր Ասիա: Խրիստոֆիրի պարտութիւնը, բայց Ս. Մելիթ-Բախչյանի, պետք է որ տեղի ունեցած լինէր 873 թվականի աշնան և 874 թվականի ձմռան ամիսներին (էջ 191):

Պավլիկյան շարժումը 9-րդ դարում ստանում է շտեմնված մեծ թափ: 843 թվականին պատկերապաշտութիւնը վերականգնելուց հետո կայսրուհի Թեոդորայի հրամանով մահապատժի են ենթարկվում 100,000 պավլիկյաններ²: Այս ջարդը չկասեցրեց շարժումը: Որքան էլ չափազանցված համարենք թվական այդ տվյալը, այնուամենայնիվ, այն ճշգրիտ կերպով ցույց է տալիս շարժման մեծ ծավալը: 9-րդ դարից է, որ պավլիկյան շարժումը վեր է ածվում ապստամբության՝ կայսրութեան դեմ: Պավլիկյանների պայքարը համընկնում է Թովմա Սլավոնի ժողովրդական ապստամբութեան հետ (821—824), բայց որում մենք ունենք կոնկրետ տեղեկութիւններ այն մասին, որ պավլիկյանները կոչվում էին Թովմայի զորջի ներքո³: Այդ ժամանակ Հունաստանի և Մակեդոնիայի սլավոնների ապստամբութիւնները, զուրս զայով տեղական շարժումների սահմաններից, միաձուլվում էին ընդհանուր ժողովրդական պայքարի հետ: Այդ հուժկու դյուղացիական շարժումները, անշուշտ, արդյունք էին սոցիալ-տնտեսական հարարերութիւնների բնադավառում առաջացած նոր երևույթների: Նշված ժամանակաշրջանը բնորոշ էր Բյուզանդիայի պատմութեան համար որպէս Ֆեոդալականացման պրոցեսի խորացման ժամանակաշրջան: Պավլիկյան շարժման հիմնական շարժիչ ուժը ազատ համայնական դյուղացիութիւնն էր: 9-րդ դարից համայնքները սկսում են արագ կերպով կորցնել իրենց ազատութիւնը: Այդ էր պատճառը, որ առաջ բերեց այդպիսի մեծ դասակարգային պառակտում: Դեռևս լիովին չբայրացված համայնական կապերը պայմանավորեցին այն համառութիւնը, որը բնորոշ է 9-րդ դարի շարժումների համար:

Հեղինակը ամբողջ շարժումը առհասարակ, սկսած, համենայն դեպս, 7-րդ դարից, նկարագրում է իբրև մի շարժում, որը միայն և միմիայն քանակական փոփոխութիւններ է կրել: Այդ է պատճառը, որ նա չի կարողացել բացահայտել 9-րդ դարում պավլիկյան շարժման մեջ տեղի ունեցած որակական փոփոխութիւնները:

9-րդ դարի ռազմական պարտութիւնը նշանակում էր փաստորեն պավլիկյան բարձր մակարդակի վախճանը և այն վկայութիւնները, որոնք 191-րդ և հաջորդ էջերում բերում է հեղինակը՝ հակառակ ենթադրութեան հիմք չեն կարող ծառայել: Հետագա շրջանում, 9-րդ դարում կրած պարտութիւնից հետո, պավլիկյանութիւնը արագ կերպով վերածվեց սովորական աղանդի: Պավլիկյանները մի քանի դար ևս խոստովանում էին իրենց հավատարր, բայց նրանք արդեն ոչ թե մարտիկներ էին, որոնք պայքարում էին հանուն սոցիալական հավասարութեան, այլ սոսկ աղանդավորներ էին՝ բառիս բուն իմաստով:

Այստեղ տեղին է ասել, որ հեղինակը ստվերի մեջ է գցել պավլիկյան շարժման կարևորագույն պրոբլեմներից մեկը, այն է՝ շարժման մեջ տարբեր հոսանքների գոյութիւնը, որի մասին աղբյուրներում կան արժեքավոր տեղեկութիւններ: Աշխատութեան մեջ մի նախադասութիւն է միայն նվիրված երկու հոսանքների առկայութեան մասին, 8-րդ դարում, իսկ հիմնական՝ երկու խոշոր հոսանքների առաջացումը 9-րդ դարում՝ անտեսված է բոլորովին: Իրա պատճառն այն է, որ հեղինակը աշխատութիւնը դրել է հիմնականում Բարոնիոսի ոչ փստահելի տվյալների հիման վրա, որտեղ ժամանակադրական խառնաշփոթութեան հետևանքով պավլիկյանների ղեկավար Սերգիոսը ներկայացված է որպէս հաջորդ՝ աղանդապետ Վահանին: Իրականում այս երկու խոշոր գործիչները հանդես են եկել միաժամանակ և նրանց հետևորդների միջև տեղի է ունեցել սուր պայքար, մինչև որ, բայց Պետրոս Սիկիլիացու, Սերգիոսը «ազանդը երկուսի բաժանեց»⁴: Ամենայն իրավամբ կարելի է ենթադրել, որ Սերգիոսի գլխավորած հոսանքը ավելի պրոգրեսիվ ձգտումների արտահայտութիւնն էր:

¹ А. А. Васильев, Византия и арабы, политические отношения Византии и арабов за время Македонской династии, СПб, 1902, стр. 30, прим. 1, стр. 31, прим. 1, М. Левченко, История Византии, 1940, стр. 138.

² Theoph., Cont. ed. Bonn, p. 165, գրախոսվող դիրք, էջ 175:

³ Տես E. Ջ. Լյուշուզ, հիշ. աշխ., էջ 58:

⁴ Petri Siculi, Col. 1300.

Գրքի վերջին՝ 5-րդ գլուխը նվիրված է պավլիկյան շարժման դադարախոսությունները: Պավլիկյանների դադարախոսությունները նախ և առաջ մեղ հետաքրքրում է այն տեսակետից, թե ինչպես է այն արտահայտել պավլիկյանության սոցիալական էությունը: Հետևենք հեղինակի շարադրությունը:

Ըստ աղբյուրների, զրույց է հեղինակը, պավլիկյանները լինելության հիմքում դնում էին հրկու սկզբունքներ՝ բարի և չար աստվածությունները (էջ 209): Այնուհետև հեղինակը բերում է տեղեկություններ, որոնք համոզիչ կերպով ցույց են տալիս պավլիկյանների դուալիզմը: Նրանք ասում էին, որ «մեր և հոռոմայեցիների միջև եղած միակ տարբերությունն (այն է), որ մենք մեկ աստված ենք համարում երկնային հորը, որը այս աշխարհում իշխանություն չունի, այլ (կունենա այն) ապագայում, իսկ մյուս աստված՝ աշխարհի արարիչն, որին է պատկանում այս աշխարհի իշխանությունը»¹:

Սակայն հեղինակը համաձայն չէ այդ ճիշտ կարծիքի հետ: Նա գրում է. «Երբ հայադատության մեջ առիթ են ունեցել խոսելու պավլիկյանների դադարախոսության մասին, ուսումնասիրողները, հետևելով սկզբնաղբյուրներին, միաբերան կրկնել են, որ պավլիկյան դադարախոսությունը դուալիստական է» (էջ 212): Հեղինակը շարունակում է. «Պավլիկյանների պայքարի պատմության և նրանց մասին եղած սկզբնաղբյուրների ուշիմ ու մանրակրկիտ ուսումնասիրությունը մեղ իրավունք է տալիս կասկածելու այդ արդիցիոն թեզի վրա» (նույն տեղում) և որ «պավլիկյանները մտածնում էին մոնիզմին» (էջ 212): Թուսերեն ամփոփման մեջ նա ավելի հստակ է արտահայտում իր միտքը: Նա այնտեղ գրում է. «Первоисточники считали павликиан дуалистами, на самом же деле они были монистами» (էջ 243):

Բայց նույն ամփոփման մեջ, մի այլ տեղ հեղինակը գրում է բոլորովին այլ բան, թե «Павликиане, несомненно, носили влияние манихейн (дуализм, общий для обоих)» (էջ 240):

Ինչպես տեսնում ենք, հեղինակի մոտ այս հիմնական հարցը մնում է անորոշ:

Պավլիկյանները ձգտում էին վերագրել առաջին դարերի քրիստոնեությանը, երբ, ըստ ավանդության, ալբուս էր ընդհանուր հավասարություն: Այդ է պատճառը, որ պավլիկյաններն իրենց «քրիստոնյա» էին համարում, դանելով, որ իրենց հակառակորդները ուրացել են բուն քրիստոնեությունը: Սկզբնական քրիստոնեության նկարագրությունը նրանք դրնում էին նախ և առաջ Պողոս առաքյալի թղթերում և այդ պատճառով էլ այդպիսի մեծ հարգանք էին տածում հանդես Պողոսի անձնավորությունը: Այդ իսկ պատճառով, իրենց ղեկավարները, ընդունելով Պողոս առաքյալի աշակերտների տնունները, դառնում էին Տյուբրիկոսներ և Տիտոսներ, իսկ վերջիններիս հիմնած «եկեղեցիները» կոչվում էին այնպես, ինչպես և կոչված էին, ըստ ավանդության. Պողոսի աշակերտների կողմից հիմնադրված եկեղեցիները՝ «Աբայա», «Լաոդիկիա» և այլն:

Ամենայն իրավամբ կարելի է պավլիկյանների նկատմամբ կիրառելի համարել Ֆ. Էնգելսի այն միտքը, որ նա, այլ կապակցություն արտահայտել է «Գյուդացիական պատերազմի Գերմանիայում» աշխատության մեջ: Ըստ այդմ նրանք պահանջում էին «վերականգնումը այն հավասարության, որը գոյություն ուներ վաղ քրիստոնեական համայնքների անդամների հարաբերություններում և այդ հավասարության ընդունումը որպես նորմա նաև քաղաքացիական կյանքի համար»²:

Միայն պավլիկյանների ձգտումներով՝ կապել իդեալական համայնական հարաբերություններ, կարելի է բացատրել այն փոստը, որ աղանդավորների մի մասը *κοινωνισται* — համայնականներ՝ անուն էր կրում: Նման եզրակացություններ անելու համար աղբյուրներում կարելի է դանել համոզիչ փաստեր:

Վերջացնելով մեր գրախոսականը, կանգ առնենք նաև մի այլ թեզի վրա, այն է՝ գրախոսվող գրքի ղեկավար ասպարատի վրա:

Մանսթրություններում մենք հաճախ չենք դանում այս կամ այն գրքի ղեկավար վկայակոչությունը:

Այդպես, օրինակ, բուն տեքստում գրված է, որ «Գենեսիոսի աշխատությունը հրատարակվել է Բոննում, 1831 թվականին» (էջ 20): Նույնը կարելի է ասել Նիկետաս Մոնիատեսի և Բարոնիոսի վկայակոչման մասին (էջ 22), փոխանակ այդ բոլորը տալու ծա-

¹ Petri Siculi, Col. 1254.

² Маркс — Энгельс Сочинения, т. VIII, стр. 130.

նոթություն մեջ, ինչպես բնորոշված է: Հեղինակը մի քանի անգամ վկայակոչում է ձեռագրեր (էջ 55, 56, 220 և այլն), բայց չի ծանոթացնում բնթերցողին այդ ձեռագրերի բովանդակության հետ:

Ձեռագրերի մի մասը, հայանում է հեղինակը, հրատարակվել է Միարանի կողմից¹: Մակայն ինչու է, այնուամենայնիվ, հեղինակը վկայակոչում ձեռագրերը, պարզ չէ, ի՞նչ ձեռագրի հրատարակությունը բավարար չէ, ապա այդ պետք էր, իհարկե, նշել:

Հեղինակը ասում է, թե Նիկեոսա Քոնստանտինոպոլիսի «Պատմությունը» հրատարակվել է ուսուցիչի 2 անգամ՝ մեկը 1835 թվականին Վ. Ի. Գոլոցկու և 1862 թվականին Ն. Վ. Չելցովի կողմից (էջ 22), իսկ իրականում այդ գործը թարգմանվել է մի անգամ, բնթ որում առաջին հատորը թարգմանել է Գոլոցկին, իսկ երկրորդը՝ Չելցովը:

Ս. Մելիք-Բախչյանը բուն տեքստում տալիս է շատ աղբյուրների լատիներեն վերնագրեր, օրինակ, գրում է Պետրոս Սիկիլիացու «Historia Manichæorum seu Paulicianorum» աշխատության մասին, մինչդեռ այդ վերնագրերը տվել է այդ գործի հրատարակիչը և նա շատ հեռու է բուն վերնագրից:

Մի շարք աշխատություններ հեղինակը սխալ է վկայակոչում: Օրինակ, նա հայտնում է, որ պավլիկյանների մասին «Real-Encyclopadie für protestantische Theologie und Kirche» հանրագիտարանում տպված է Հերցոգի հոդվածը (էջ 27), մինչդեռ Հերցոգը ամբողջ հանրագիտարանի հրատարակիչ-խմբագիրն է, իսկ հոդվածի հեղինակը՝ Շմիդտն է (ինչպես ճիշտ ասված է գրականության ցանկում):

Արտաշես Գարինյանն ունի «Սոցիալական պայքարի արձագանքներ հին հայ գրականության մեջ» վերնագրով հոդված, հրատարակված 1948 թ. Մ. Արեղյանի անվան Գրականության ինստիտուտի «Գրական բանասիրական հետազոտություններ» Ա. գրքում: 154 էջում և գրականության ցուցակում տրված տեղեկությունների մեջ (ուր հիշված է միայն հոդվածի վերնագրերը և հեղինակի անունը) անհնարին է գտնել այդ աշխատության հրատարակության տեղը:

198-199 էջերում հեղինակը բերում է բյուզանդական Բենեշևիչի մի կարծիքը և վկայակոչում իր աղբյուրը այսպես՝ Бенешевич, Очерки по истории Византии, выпуск I, СПб, 1912, стр. 95-96. Մակայն Բենեշևիչը կարծիք չի կարող հայտնած լինել, որովհետև նա միայն վկայակոչված «Ահնարիների» խմբագիրն է, իսկ նշված առաջին պրակում ղեկավարված է Գելցերի «Բյուզանդիայի քաղաքական պատմության ակնարկի» ուսուցիչի թարգմանությունը, այն գործը, որի հայերեն թարգմանությունը² հեղինակը վկայակոչում է մի այլ տեղում:

Արմենիայի թեմ գոյություն չի ունեցել, ինչպես գրում է հեղինակը (էջ 192): Եղել է Արմենիական թեմ և դա զուտ հայկական թեմ չէ, ինչպես պատկերացնում է նա և անում ոչնչով չհիմնավորված եզրակացություններ:

Բյուզանդական գահի վրա 842-867 թվականներին նստած էր ոչ թե Միքայել II-ը (էջ 242), այլ Միքայել III-ը, ինչպես ճիշտ ցույց է տրված բուն տեքստում:

Պավլիկյանների բռնադատվելու թևասլիա (էջ 243) երբեք էլ չի եղել, այլ եղել է Թրակիա:

Աշխատության 36-րդ էջում հեղինակը գրում է, որ Մանին հունական աղբյուրներում հիշատակվում է Μανιχῆς (Մանես) ձևով, իսկ լատիներենում Manicheos: Manicheos նշանակում է մանիքեցի, իսկ իրեն Մանին լատիներեն աղբյուրները անվանվում են նույնպես Մանես:

Արաբական պատմիչ Տարարին մի ճակատամարտի մասին խոսելիս տալիս է նրա թվականը Հիջրայի տոմարով՝ 246 թվականը: Ա. Վասիլևը իր գրքում³ ցույց է տալիս, որ Հիջրայի այդ թիվը համապատասխանում է մեր թվարկության 860 թվականի մարտի 28-ից մինչև 861 թվականի մարտի 16-ը, այսինքն՝ շատ պարզ տալիս է մի լուսնային տարի: Իսկ Ստ. Մելիք-Բախչյանը գրում է, որ այդ կսիվները պարբերաբար տեղի են 860 թվականի մարտի 28-ից մինչև 861 թվականի մարտի 16-ը (?!) (էջ 181): Այսինքն, նույն

¹ Գ. Տեր-Մկրտչյան, Գիրք հերձուածոց, Վաղարշապատ, 1892:

² Հ. Գելցեր, Համառոտություն բյուզանդական կայսրների պատմության, Վաղարշապատ, 1901:

³ А. Васильев, Византия и арабы, политические отношения Византии и арабов за время Аморийской династии, СПб, 1900, приложение, стр. 56.

րանք կլինեն, եթէ մեզ տրված լինէր մ. թ. 860 թվականը և մենք զրանից և զրակացնելն ո, որ ճակատամարտը տեւել է հունվարի 1-ից դեկտեմբերի 31-ը:

Հատիներեն տեսքները միշտ չէ, որ ճիշտ են թարգմանված: Օրինակ, Mananalim Manichaeorum metropolim թարգմանվել է մանիքեականների... (բաղմակետերն հեղինակինն են) Մանանաղի շրջակայքը» (էջ 164): Մինչդեռ այդ նշանակում է «Մանիքեցիների մայրաքաղաք Մանանագ»-ի հայցական հոլովը:

Քրիստոսին վերագրվող հայտնի այն դարձվածքը «ես եմ կենսատու ջուրը» (բառ Հովհաննու. Գ. 10), թարգմանվել է «ես ջուր եմ գինու հետ խառնված» (էջ 222): Հեղինակը սխալմամբ փոխանակ Ego sum aqua vivens, արտադրել է vivens (անիմատո բառ) և տվել իր տարօրինակ թարգմանությունը:

Գրքում չի կիրառված գիտական տասնդարձություն (տրանսկրիպցիա) օտար անունները հայերենի վերածելու ժամանակ: Անունները արտահայտվում են կամ սուսերեն, կամ յատիներեն, կամ հայերեն ձևերով: Պետք էր մինչև վերջ ընդունել հայկական տրանսկրիպցիան: Հայերը երբեք չեն ասում Սերգեյ, Սերգիուս, Տիտիկ, Տիտ, Կեղրենուս, Արգիր, Դուկ, Մելիսեն, այլ՝ Սերգիոս, Տյուքիկոս, Տիտոս, Կեղրենոս, Արգիրոս, Դուկոս, Մելիսենոս:

Բաղմակի վանուներ և տերմիններ խեղաթյուրված են: Օրինակ, փոխանակ Տերերինթոս՝ Տիրերինթ (էջ 38), փոխանակ Կրիկորաբոս՝ Կրիկորաբոս (էջ 167), փոխանակ պրոտոսպաթար՝ պրոտոպարթար (էջ 17), փոխանակ խորտոկոպիոն՝ Եսթրոկոպիում (էջ 168), փոխանակ Պարակոնդակես՝ Պարակոնդոս (էջ 172) և այլն: Այսպիսի օրինակներ կարելի է շատ բերել:

Ամփոփելով մեր գիտողությունները, պետք է հանդենք հետևյալ և զրակացության. գրախոսվող աշխատությունը կոչված է լուսարանելու հայ ժողովրդի պատմության մեջ ուրույն տեղ գրավող պատմիկյանների հուժկու սոցիալական շարժման ծագումը, ընթացքը և դադարաբախտությունը: Սակայն, հեղինակը, քննադատական վերաբերմունք չցուցաբերելով ուղղորդությունների նկատմամբ, պատշաճ կերպով չօգտագործելով հարցի շուրջը գրված մարքսիստական աշխատությունները, հրապարակելի վրա է դրել մի աշխատություն, որը չի բավարարում գիտական տարրական պահանջները, գրված է անսական և փաստական ցածր մակարդակի վրա:

Կ. ՅՈՒՋԲԱՇՅԱՆ

Հ. ԲԱՐԹԻԿՅԱՆ